

KULTURA BATZORDEAREN BILERAREN LABURPENA

2014ko abenduaren 16an

ORDUA: 19:00

LEKUA: Udaletxeko batzar gela

BERTARATUAK:

1. M^a Isabel San José, Iruritako Dantzariak
2. Eduardo Zubikoa, Museoaren lagun-en elkarte
3. Borja Nagore, Elizondoko Banda
4. Belen Aleman, Elizondoko abesbatza
5. Ana Oteiza, Elizondoko abesbatza
6. Maitane Maritorea, Bilduko zinegotzia
7. Ana Larruy, Udaleko Kultura teknikaria

EZTABAIDAK ETA ERABAKIAK

1. Aitzineko aktaren onestea

2014ko ekainaren 3ko Kultura Batzordearen aktaren laburpena irakurri zen. Batzodekideak ados egonik, akta aho batez onetsi da.

2. Dirulaguntzen baldintzak oroitaraztea.

Maitane Maritorenak: Kultur batzorde batean onartu zen bezala, diru-laguntzen legea indarrean dagoenaren arabera, deialdiaren baldintzak eta irizpideak eskaerei aplikatu dizkie. Tokiko Gobernu batzordean diru-laguntzen banaketaren proposamena onartuko da eta ebazpenak jasoko dira. Diru-laguntzak gastuak justifikatu ondoren, ordainduko dira. 2015eko urtarrilaren 15 artio gastuak justifikatzeko epea akitzen da.

Eduardo Zubikoa: deialdiari buruz, denbora oso luzea iruditzen zait kobratzeko urte bat eta hamabost egun itxarotzea. Datorren urtean Bidasoko talentu gazteen kontzertu batzuk antolatu nahi ditugu eta arazo batzuk sortzen zaizkigu, hau da, nola aurrera eraman gastu horiek, garraioak, alojamenduak... Bertze aldetik, Literaturari buruzko aste bat antolatzeke idazleak etortzen dira irabazteko asmorik gabe eta ezin dute kobratu haien argialetxeekin kontratu bat dutelako. Deialdia dagoen moduan ezin dugu Udalaren diru-laguntzarekin kontatu.

Nafarroako Gobernuak diru-laguntzak bi epetan ematen ditu, bat ekain artio eta bertze bat abendu artio; edo bertze proposamen bat izango litzateke deialdia aurreratzea.

Maitane Maritorenak: diru-laguntzek baldintzaturik antolatzea arriskutsua da, jarduerak antolatzen ditugu gure ahalmenaren arabera. Modu partikularrean eta adibide gisa, errane dut Iibetza programazioa diru-laguntzarik eskatu gabe antolatu dela.

Diru-laguntzen deialdia egin behar dira udal aurrekontuak onartutakoekin, eta martxo artio gutxienez ez dira onartzen, gainera aurtien hauteskundeak dira.

Erabaki da aurreko proposamenak Udaleko idazkariarekin kontsultatzea.

3. Agendaren banaketa izan diren aldaketak.

Maitane Maritorenak: orain artio agenda banatzen da Baztango herrietan posta bidez eta Elizondon Maila Posta zerbitzuaren bitartez. Irailean mantso ailegatu zen. Postetxekoekin hitz egin genuen eta erran ziguten zazpi postaritatik hiru baizik ez zirela lanean. Orain Zaragozarat bidaltzen dute posta eta gero Elizondorat itzultzen da. Hortaz, Baztango banaketa aldatu dugu eta Mail Postarekin eginen dugu.

Ohartzen bazarete agenda gibelaturik ailegatzen zaizuela, abisatu faborez.

4. Kirola-kultura biorrikoa.

Maitane Maritorenak: Laxoa elkarteko kideekin, Tiburtzio Arraztoarekin eta Iosu Primekin izan genuen bilera bat. "Baztan natura eta kultura bizi" proiektuaren barnean laxoari buruzko

biurriko bat argitaratzeko. Biurriko horretan botarri zer den edo Baztango herri bakoitzean zer dagoen jakiteko informazioa agertuko da.

5. Museoko Unitate didaktikoa

Maitane Maritorenak: Euskal Herriko Unibertsitatearekin egindako hitzarmen baten bidez Museoa bisitatzeko unitate didaktikoak egin dira eta eskoletarat igorriko dira.

Jasotzeko interesa duenak eska dezala eta igorriko diogu.

Eduardo Zubikoak eta Belen Alemanek interesa dute.

6. Arizkunenea Kultur Etxeko erakusketa gelaren gutxienezko ordutegiak eta datak finkatzea.

Maitane Maritorenak: uda honetan erakusketa aretoa egun gutxitan egon da zabalik. Arizkuneko erakusketa gelak erabiltzeko araudien ez dira irekitzeko bete beharreko gutxienezko egunak eta orduak zehazten.

Eztabaidatu ondoren erabaki da eskatzaileak Arizkuneko erakusketa gelak egunero gutxienez bi ordu ireki beharko dituela, igandeetan izan ezik.

7. Arizkuneko sabaiaren erdian oholtza bat paratzeko proposamena

Maitane Maritorenak: Ruper Ordorikaren kontzertuan norbaitek Arizkuneko sabaiaren erdian oholtza bat paratzea proposatu zuen. Mikel Ortegarekin hitz egingo da Udaleko oholtzaren neurriak aztertzeko edo laminatu beltza paratzeko.

8. Galde-eskeak

Belen Alemanek: modu partikularrean Legate elkartekide bainaiz, gustatuko litzaidake jakitea zer antolatzen den bertze herrietan eta harremanetan jartzeko telefonoak lortu nahiko nituzke.

Maitane Maritorenak: jarduera guztiak agendan agertzen dira eta kontaktuak lortzeko galdetu ahal diozu Ana Larruyri.

Bertze aztergairik ez dagoenez bilera 20:15ean akitu da.

Ondoko kultura batzordea martxoan egingen da.

Baztanen, 2015eko urtarrilaren 5ean.